



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

2. Exercitium matutinum.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

ri, inoffensa, & ab omni perturbatione, ac vitio sit munda, & libera. Hæc omnia totidem verbis B. Basilius.

PARS SECUNDA.

Exercitium matutinum.

Vbi primùm manè euigilamus, cauendum summo perè est, ne primitias cogitationū alius præter Deum habeat. *Orandum manè euigilamus*

Muniet itaq; se primùm Sodalitatis signo sanctæ crucis, dicetq; : In nomine Patris, & Filij, & Spiritus sancti, Amē. Benedicta sit sancta, & indiuidua Trinitas, nunc, & semper, & per infinita secula seculorum, Amen.

Dum corpus vestitur, atque componitur, dici potest hæc brevis oratio: In nomine Domini nostri Iesu Christi surgo, qui me redemit suo pretioso sanguine: ille me *2 Dum vestimur.*
✠ benedicat, regat, custodiat, & cōfirmet in omni bono opere, hodiè, & quotidie, & post hanc miseram vitam, perducatur me in vitam æternam, Amen. Angele Dei, qui custos es mei, me tibi commissum, pietate superna, hoc die illumina, custodi, rege, & guberna, Amen.

Vsurpatam illam ab antiquis Patribus *3 Post vestitum.*
dæmonis abrenunciationem vestitus usurpare Sodalitatis poterit, signo sanctæ Crucis se signans.

Abre-

Abrenuncio tibi Satana, adhæreo tibi Domine IESU Christe.

IESUS Nazarenus, rex Iudæorum, titulus triumphalis, defendat nos ab omnibus malis.

Sancte Deus, sancte fortis, sancte & immortalis miserere nostri.

4. *Gratiarum actio matutina.*

Tunc compositus ad Orationem, ex præscripto regulæ Sodalitatis,aget Deo gratias, pro omnibus beneficijs tum generalibus, tum proprijs à diuina eius maiestate acceptis. Puncta eius actionis gratiarum per modum orationis subijcimus.

Puncta actionis gratiarum.

1. Gratias ago Domino Deo meo, Sanctissimæ matri, Angelo custodi, Patronis meis N. & N. omnibusque sanctis, de nocte hac citra noxiam animæ & corporis feliciter transacta: quod si quæ admissa est, rogo ex animo veniam, promittoque emendationem.

2. In gratiarum actionem, offero me Domine totum tuæ diuinæ bonitati: cogitationes, & actus, sermones, studia, actotius diei occupationes, & negotia ad maiorem gloriam nominis tui, salutemque animæ meæ, & proximorum meorum conuerecupio. Pero ergo, vt de me, meisq; omnibus statuas, sicut diuinæ tuæ placitum est maiestati. Vitam, quæso, meâ dirige, auge me.

me virtute, sapientia, bonisque operibus,
quibus tibi placeam, seruiamq; fidelius.

3. Rogo denique, mi Domine, vt hodie-
no die ab omni me peccato custodias, ne
cogitatione, verbo vel opere maiestatem
tuam offendam, Amen.

Subsequi tunc debet ex instituto regu-
larum ter Pater, & Aue, semelq; Symbolū
Apostolorum, & Salve Regina.

Has omnes excipere posset preces O-
ratio B. Thomæ ante studium recitanda,
quæ est eiusmodi.

Creator ineffabilis Domine, &c.

Item pulcherrima illa oratio ad beatā
Virginem, ô Domina mea S. Maria. Vtraq;
peti potest ex officio D. Virginis.

His omnibus recitatis precibus, tunc
feriatis diebus studiosi se ad studia recipere
possunt; alij verò ad sua negotia. Diebus ve-
rò Dominicis, festis Christi, B. Virg. alijsq;
Sanctorum primarijs, aliquid temporis tri-
bui potest piæ alicui meditationi; quia per
illam, homo mirum in modum ad omnia
bona paratur.

PARS TERTIA.

Exercitium diurnum.

O Random esse ante quascunq; operas, *Epist. ad En*
& actiones SS. Patres docuerunt. Egre *stoch. de cu-*
dientes de hospitio, ait D. Hieron ar- *stod. virg.*
met